



Sabtu, 08 Oktober 2022
Ogen: Daniel 4:19-33



Antusen Nipi Nebukadneser



Ngerana man kalak biasa, apai ka temanta banci siakap menukah. La kita biar-biaren. Tapi adi ngerana man kalak si mbisa, erkuasa ras erpangkat uga kal pe kita la pang mejarjar, sabap mbiar kita banci salah ngerana. Ntah payo pe sikataken banci kita kena ukum. Adi sipergermetken, bage me kegeluhen nabi-nabi si ngerana kata payo man pemimpin si kejam. Iukum me ia. Seh asa genduari, mbiar kal kita nuriken kai situhuna nandangi sekalak penguasa apai ka kata si ipeseh e, nuriken ukumen ntah pe ncedai ukurna. Bage me Daniel ngalaken sekalak Raja si erkuasa paksa e, arus iturikenna kata si payo, si ngerehken ukumen man raja. . Iturikenna:

- Kerna kayu galang, seh ku langit, batang, bulung ras buahna meramis nuriken Raja Nebukatneser
- Malekat singataken tabah bantang kayu e, janah pelawes kerina rubia-rubia e me ipedarat me raja e i tengah-tengah manusia nari janah medem i mbal-mbal
- Tongkeh kayu si ipediat, nuriken maka i bas paksana mulihken nge jadi raja Nebukadneser kenca iakuina Dibata si meganjangna erkuasa i doni enda

E maka ipersingetina raja e gelah lanai ngelakoken dosa. Perlu ia jera, dengen ngelakoken si bujur, ermekuah ate man kalak musil. Adi bage pengelakona, senang me geluhna. Kenca si e jadi me bagi kai siituriken Daniel kerna raja e. Bage me kuasa Kesah Si Badia ringan i bas Daniel, e maka ngsup ia nuriken antusen nipi raja e, si la ngasup kalak si i bas kerajaan Babil e nurikensa. Adi rembak ras Tuhan, ipengasupNa kita ngantusi sura-suraNa.